



Broj: 07-14-1269/18  
Vogošća, 04.09.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 04.09.2018. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI JAVNE  
RASVJETE UZ MAGISTRALNI PUT M-18, NA POTEZU OD VOGOŠĆANSKE PETLJE DO  
BEŠLIĆA PUMPE, NA PODRUČJU OPĆINE VOGOŠĆA**

**Član 1.**

Ponuda ponuđača "Ses" d.o.o Sarajevo, ulica Trg ZAVNOBIH-a broj 25. Sarajevo, odabrana je za izvođenje radova na izgradnji javne rasvjete uz magistralni put M-18, na potezu od Vogošćanske petlje do Bešlića pumpe, na području općine Vogošća, kao jedina formalno-pravno prihvatljiva ponuda, sa ukupnom cijenom nabavke u iznosu od 286.704,56 KM bez uračunatog PDV-a, odnosno 335.444,34 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 26.07.2018. godine donio Odluku o pokretanju Otvorenog postupka nabavke radova na izgradnji javne rasvjete uz magistralni put M-18, na potezu od Vogošćanske petlje do Bešlića pumpe, na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 09.08.2018. godine pod brojem: 1353-1-3-99-3-57/18. Sažetak Obavještenja o nabavci objavljen je u "Službenom glasniku BiH" broj: 56/18 od 17.08.2018.

Tendersku dokumentaciju sa Portala javnih nabavki BiH je preuzeo 21 (dvadeset i jedan) ponuđač. Krajnji rok za dostavu ponuda bio je 27.08.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.08.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-1269/18 iz augusta 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ses" d.o.o Sarajevo	286.704,56	/	/	335.444,34
2	"Conram" d.o.o. Brčko	347.160,34	/	/	406.177,59
3	"Eding telecom" d.o.o. Sarajevo	347.848,67	/	/	406.982,94

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Conram" d.o.o. Brčko, ne ispunjava formalno-pravne uslove tražene Tenderskom dokumentacijom i to:

- Tačkom 8.2.1 stav 3. TD je propisano da Ponuda mora da sadrži sljedeće elemente i to: Obrazac za cijenu ponude radova, sačinjen i popunjen u skladu sa šemom koja je data u Aneksu 2. tenderske dokumentacije, ovjeren i potpisan od strane ponuđača. Na strani 31 TD odjeljak Napomena u stavu 5. zahtjevan je obavezni ručni unos podataka.

Ponuđač "Conram" d.o.o. Brčko je koristio elektronski unos podataka u tabeli Aneksa 2- Obrasca za cijenu ponude te je na taj način propustio da postupi po zahtjevu postavljenom u TD od strane ugovornog organa. Komisija za javne nabavke cijeni da obrazac za cijenu ponude nije popunjen u skladu sa postavljenim zahtjevima ugovornog organa u TD i da isti ne ispunjava uslove postavljene u TD.

- Tačkom 7.3.2. pod a) TD, a u skladu sa članom 47. Zakona je propisano da će se ocjena ekonomske i finansijske sposobnosti pored izjave iz Aneksa 5. TD koju su ponuđači dužni dostaviti u svojoj ponudi vršiti i na osnovu izjave na obrascu ponuđača o ostvarenom prometu izvođenja radova, koji su u vezi sa predmetnom nabavkom u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine.

Ponuđač "Conram" d.o.o. Brčko je u svojoj ponudi propustio da dostavi traženu Izjavu na obrascu ponuđača o ostvarenom prometu izvođenja radova, koji su u vezi sa predmetnom nabavkom u posljednje 3 (tri) finansijske godine.

- Tačkom 7.4.1. pod b), TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to:
  - 1 (jedno) lice koje ispunjava uslove za voditelja radova i to: VSS VII stepen-dipl ing. elektrotehnike, odnosno visoko obrazovanje najmanje prvog ciklusa Bolonjskog sistema studiranja (koje se vrednuje sa 240 ECTS bodova) elektro struke, sa položenim stručnim ispitom i 3 godine radnog iskustva;
  - 1 izvršilac, minimum IV stepen stručne spreme elektro struke (poslovođa);
  - 6 izvršioaca, minimum KV radnici elektro struke (monteri);
  - 4 izvršioaca, minimum NK radnici.

Tačkom 7.4.2. pod b) TD je traženo da se kao dokazi za radnike iz tačke 7.4.1. pod b) dostave sljedeći dokumenti uz napomenu da isti moraju biti originali ili ovjerene kopije i to:
 

- Diploma o završenoj VSS i Uvjerenje o položenom stručnom ispitu za jednog inženjera elektrotehnike (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje prvog

ciklusa (koji se vrednuje sa 240 ECTS bodova) Bolonjskog sistema studiranja elektro struke i dokaz o radnom iskustvu i radnom angažmanu,

- za 1 izvršioca, minimum IV stepen stručne spreme elektro struke (poslovođa) potrebno je bilo dostaviti Diplomu/svjedočanstvo o završenoj stručnoj spremi i dokaz o radnom angažmanu,
- za 6 izvršioca, minimum KV radnici elektro struke (monteri) potrebno je bilo dostaviti Diplome/svjedočanstva o završenoj stručnoj spremi i dokaze o radnom angažmanu,
- za 4 izvršioca, minimum NK radnici potrebno je bilo dostaviti dokaze o radnom angažmanu.

Ponuđač "Conram" d.o.o. Brčko je u svojoj Ponudi (strana 54-66 Ponude) dostavio kopije svih traženih Diploma o završenoj stručnoj spremi, međutim svi dostavljeni dokumenti su ustvari kopije ovjerenih dokumenata. Komisija za javne nabavke cijeni da dostavljeni dokazi nisu u skladu sa postavljenim zahtjevima ugovornog organa u TD i da isti ne ispunjavaju uslove postavljene u TD.

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova kako slijedi:
  - Mašina za zemljane iskope-rovokopač mini bager 1 kom
  - Kamion sa auto dizalicom-kranom 1 kom
  - Kombi-putar 1 kom
  - Auto dizalica sa korpom min. dužine 14 m 1 kom
  - Teretno vozilo (ukupne mase do 7,5 t) 1 kom
  - Instrument za ispitivanje podzemnih kablova (radar) 1 kom.

Tačkom 7.4.2. pod c) TD su pored Izjave na obrascu ponuđača da imaju u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženom inventurnom listom ili ugovorom o najmu shodno tački 7.4.1 C kao dokaz traženi i sljedeće dokumenti uz napomenu da isti moraju biti originali ili ovjerene kopije:

- Za rovokopač-mini bager iz tačke 7.4.1. pod c) stavka 1. potrebno je bilo kao dokaz dostaviti važeću saobraćajnu dozvolu/potvrdu o registraciji ili važeću upotrebnu dozvolu;
  - za kamion sa auto dizalicom-kranom iz tačke 7.4.1. pod c) stavka 2. potrebno je bilo kao dokaz dostaviti važeću saobraćajnu dozvolu/potvrdu o registraciji;
- za kombi-putar iz tačke 7.4.1. pod c) stavka 3. potrebno je bilo kao dokaz dostaviti važeću saobraćajnu dozvolu/potvrdu o registraciji;
- za auto dizalicu sa korpom min. dužine 14 m iz tačke 7.4.1. pod c) stavka 4. potrebno je bilo kao dokaz dostaviti važeću saobraćajnu dozvolu/potvrdu o registraciji;
- za teretno vozilo (ukupne mase do 7,5 t) iz tačke 7.4.1. pod c) stavka 5. potrebno je bilo kao dokaz dostaviti važeću saobraćajnu dozvolu/potvrdu o registraciji

Ponuđač "Conram" d.o.o. Brčko je u svojoj Ponudi (strana 71 Ponude) kao dokaz za traženi rovokopač-mini bager iz tačke 7.4.1. pod c) stavka 1 dostavio Potvrdu o vlasništvu vozila broj: BA 1166766 za radnu mašinu-rovokopač Bobcat tip: 334 G. Komisija za javne nabavke smatra da dostavljanjem Potvrde o vlasništvu vozila kao dokaza nije ispunjen uslov zahtjevan tačkom 7.4.2. pod c) TD, jer je istom tačkom jasno traženo da se kao dokaz za rovokopač-mini bager iz tačke 7.4.1. pod c) stavka 1. treba dostaviti važeća saobraćajna dozvola/potvrda o registraciji ili važeća upotrebna dozvola.

Također, Ponuđač "Conram" d.o.o. Brčko je u svojoj Ponudi (strana 72-75 Ponude) dostavio kopije traženih dokaza za sve tražene građevinske mašine (mehanizaciju) i opremu potrebnu za izvođenje predmetnih radova iz tačke 7.4.1. pod c) TD, međutim svi dostavljeni dokumenti su ustvari kopije ovjerenih dokumenata. Komisija za javne nabavke cijeni da dostavljeni dokazi nisu u skladu sa postavljenim zahtjevima ugovornog organa u TD i da isti ne ispunjavaju uslove postavljene u TD.

- Tačkom 9.8.1. TD, a u skladu sa članom 61. Zakona propisano je da je ponuđač uz ponudu bio dužan dostaviti garanciju za ozbiljnost ponude u iznosu od 1 % procijenjene vrijednosti nabavke. Obrazac garancije za ozbiljnost ponude i garancije za uredno izvršenje ugovora trebaju biti u formi predviđenom Pravilnikom o formi garancije za ozbiljnost ponude i izvršenje ugovora ("Službeni glasnik" BiH broj: 90/14).

Ponuđač "Conram" d.o.o. Brčko je u svojoj ponudi (strana 84. ponude) dostavio garanciju za ozbiljnost ponude broj: 0434538 od 20.08.2018. godine izdatu od strane ProCredit Bank d.d. Sarajevo. Dostavljena garancija nije zapakovana u skladu sa odredbama Pravilnika o formi garancije za ozbiljnost ponude i izvršenje ugovora ("Službeni glasnik" BiH broj: 90/14). Naime, članom 3. stav 1. predmetnog Pravilnika propisano je da se garancija za ozbiljnost ponude dostavlja u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude.

Garancija Ponuđača "Conram" d.o.o. Brčko je dostavljena u plastičnoj foliji koja je na dnu zatvorena naljepnicom na kojoj je otisnut pečat ponuđača, međutim ista je zatvorena na način da je moguće obrazac garancije izvaditi iz plastične folije a da se ne ošteti ni garancija ni pečat.

Postupajući u skladu sa članom 3. stav 3. Pravilnika o formi garancije za ozbiljnost ponude i izvršenje ugovora koji propisuje da "ukoliko garancija za ozbiljnost ponude nije dostavljena na propisan način, shodno stavu (1) ovog člana, ugovorni organ je obavezan takvu ponudu odbaciti", Komisija za javne nabavke cijeni da dostavljena Garancija ne ispunjava uslove propisane podzakonskim aktom koji reguliše ovu materiju.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

## II. Ponuda ponuđača "Eding telecom" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 8.2.1. stav 2. TD propisano je da Ponuda mora da sadrži Obrazac za ponudu-Aneks 1 TD-sačinjen i popunjen u skladu sa šemom koja je data u Aneksu 1. tenderske dokumentacije, ovjeren i potpisan od strane ponuđača. Također, odredbama Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je kao sastavni dio Obrasca za ponudu predviđena Izjava ponuđača, a koja se u TD ugovornog organa nalazila na stranici broj 20.

Ponuđač "Eding telecom" d.o.o. Sarajevo je u svojoj Ponudi propustio da dostavi traženu Izjavu koja je zahtjevana odredbama TD, a ista je također propisana odredbama podzakonskog akta koji reguliše ovu materiju.

- Tačkom 7.3.2. pod a) TD, a u skladu sa članom 47. Zakona je propisano da će se ocjena ekonomske i finansijske sposobnosti pored izjave iz Aneksa 5. TD koju su ponuđači dužni dostaviti u svojoj ponudi vršiti i na osnovu Izjave na obrascu ponuđača o ostvarenom prometu izvođenja radova, koji su u vezi sa predmetnom nabavkom u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine.

Ponuđač "Eding telecom" d.o.o. Sarajevo je u svojoj ponudi propustio da dostavi traženu Izjavu na obrascu ponuđača o ostvarenom prometu izvođenja radova, koji su u vezi sa predmetnom nabavkom u posljednje 3 (tri) finansijske godine



- Tačkom 7.4.1 pod a) TD a u skladu sa članom 51. Zakona je traženo da je ponuđač u posljednjih 5 (pet) godina računajući od dana podnošenja ponude, kao izvođač radova realizovao minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 345.000,00 KM bez PDV-a. Kao dokazi tačkom 7.4.2. TD pod a) su traženi da se dostave Spisak izvršenih ugovora-Referens lista koju sačinjava ponuđač na svom memorandumu zajedno sa Potvrdoma o izvršenim ugovorima od strane krajnjeg korisnika u ukupnom iznosu 345.000,00 KM bez PDV-a u posljednjih 5 (pet) godina.

Ponuđač "Eding telecom" d.o.o. Sarajevo je u svojoj ponudi (strana 42. Ponude) dostavio Potvrdu o uspješno realizovanim poslovima izdatu od strane firme "Euro-asfalt" d.o.o. Sarajevo. Obzirom na traženi iznos realizacije ugovora u posljednjih 5 (pet) godina u ukupnom iznosu od 345.000,00 KM bez PDV-a zahtjevan tačkom 7.4.1 pod a) TD, Komisija za javne nabavke konstatuje da ukupna realizacija ugovora ponuđača prikazana na Potvrdi izdatoj od strane firme "Euro-asfalt" d.o.o. Sarajevo broj: EA-HA-19/18 od 15.08.2018. godine iznosi 198.727,01 KM bez PDV-a, što je manje od zahtjevanih 345.000,00 KM bez PDV-a.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude kao i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača "Ses" d.o.o Sarajevo ispunjava formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponude ponuđača "Ses" d.o.o Sarajevo, te je izvršena računaska provjera dostavljene ponude i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ses" d.o.o Sarajevo, za izvođenje radova na izgradnji javne rasvjete uz magistralni put M-18, na potezu od Vogošćanske petlje do Bešlića pumpe, na području općine Vogošća, kao jedine formalno-pravno prihvatljive ponude, sa ukupnom cijenom nabavke u iznosu od 286.704,56 KM bez uračunatog PDV-a, odnosno 335.444,34 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Ses" d.o.o. Sarajevo
2. "Conram" d.o.o. Brčko
3. "Eding telecom" d.o.o. Sarajevo
4. Nadležnoj Službi
5. U dosije
6. a/a

033/766-557  
049/234-241  
033/725-599

OPĆINSKI NAČELNIK

  
Edin Smajić